

ADORASAUN – FESTA JEZÚS NIA FUTAR FUAN SANTU

Introdusaun: iha festa Jezús nia Futar Fuan Santu, mai ita aprende husi Nia, ho modu espesiál, domin ne'ebé sai solidariedade ho humanidade, hodi oferese nia moris tomak ba ema sira, nu'udar sinál Aman Maromak nia domin: *nia maski riku, halo An kiak, atu hariku imi hodi ninia pobreza* (2Cor 8,9). Husi Nia mak ita aprende estilu moris simples no livre, nu'udar rezultadu husi laran-metin iha Aman Lalehan ninia laran-luak no laran-di'ak, ne'ebé kria komuñau frateridade

Espozisaun SS. Sakramentu

Knananuk: *Ubi Caritas*

Orasaun louvór nian

Ita harohan no hananu: Oh... adoramus Te Domine.

1. Ba Jezús nia futar Fuan, ita-nia Redentór no Salvadór, Maromak loloos no ema loloos, Aman nia Liafuan iha Virjen Maria nia knotak, ami hahí no adora Ita: R.
2. Ba Bibi-Atan Di'ak nia futar Fuan ne'ebé hadomi ninia bibi sira ho laran di'ak, fó nia moris ba sira, bali no tau matan ba ida-idak, ami hahí no adora Ita: R.
3. Ba Samaritanu Di'ak nia futar Fuan, Kristu Jezús, ne'ebé mai tau matan no salva humanidade ne'ebé monu iha tahu laran, no koninua tau matan ba nia, ami hahí no adora Ita: R.
4. Ba Jezús nia futar Fuan, belun ne'ebé dedika an nafatin, laran maus no atensiozu, hakarak iha intimidade boot ba beibeik ho ita, ami hahí no adora Ita: R.
5. Ba Jezús nia futar Fuan Santu ne'ebé, maski riku halo an kiak atu hariku ita ho ninia pobreza, ami hahí no adora Ita: R.

Momentu silénsiu

Leitura: Mt 11,25-30

Pauza

Invokasaun

Ita harohan hodi dehan: Halo ami-nia fuan hanesan ho Ita-nian.

1. Jezús, Fuan kiak no haraik-an. R.
2. Jezús, Fuan solidáriu no haraik-an. R.
3. Jezús, Fuan disponível no haraik-an. R.
4. Jezús, Fuan magnánimu no haraik-an. R.
5. Jezús, Fuan laran-luak no haraik-an. R.
6. Jezús, Fuan servidór no haraik-an. R.
7. Jezús, Fuan justu no haraik-an. R.
8. Jezús, Fuan maus no haraik-an. R.
9. Jezús, Fuan pasífiku no haraik-an. R.
10. Jezús, Fuan livre no haraik-an. R.

Momentu adorasau pesoál no silensioza molok Vésperas.

